



Radøy kommune - teknisk forvaltning

Referansar:

Dykkar:

Vår: 18/1960 - 18/12218

Saksbehandlar:

Bente Kopperdal Hervik

bente.kopperdal.hervik@radoy.kommune.no

Dato:

27.08.2018

Uttale til klage på mellombels byggje- og deleforbod

Viser til brev datert 6. august der de ber om uttale til klage på mellombels byggje- og deleforbod i Knappen i Marøy.

Knappen i Marøy er vurdert til å vera eit område med svært stor kulturminneverdi. Anlegga som ligg i området er relativt godt bevart og svært godt eigna til å formidla historien om andre verdskrig. At området er så urørt og at vegetasjonen er halden nede, er ein viktig for kulturminna. Det er såleis også avgjerande at ein ser området som ein heilskap og ikkje berre som enkeltståande anlegg.

Ein av grunnane til at området er så godt i varetatt, er at vegetasjonen vert halde nede av aktiv beiting i området. Frå eit kulturminneperspektiv er det såleis viktig at eit byggje- og deleforbod og omsynssone ikkje er til hinder for bruk av området til beite.

Når det gjeld avgrensing av området er denne gjort av Hordaland fylkeskommune i samband med registrering av kulturminne. Grensene for området vart seinare justerte då det kom innspel til saka då den var sendt til grunneigarar på uttale. Ei oppdeling av omsynssona til fleire mindre omsynssoner kring kvart einskild objekt vil ikkje sikra kulturminna på ein god nok måte. Vidare er det naudsynt å sikre tilstrekkeleg areal kring kulturminna for å sikre heilskapen i området.

På bakgrunn av dette rår kulturmynde i frå at klagen blir tatt til følgje.

I samband med rullering av kommuneplanen vil det verta vurdert om yttergrensa for omsynssona kan trekkast inn. Rullering av kommuneplanen er nært føreståande. Sannsynlegvis kjem kommuneplanen på høyring i slutten av oktober, og det vil då vera mogleg å kome med kommentarar til den endelige omsynssona.

Med helsing

Bente Kopperdal Hervik
rådgjevar kultur

Dette dokumentet er elektronisk godkjent og har difor ingen signatur.

Kopi til:

Silje Haukedal

Mottakarar:

Radøy kommune - teknisk
forvaltning